

■ COLUMNA

È «anti-WEF» anti-WEF?

DA RAFAEL CAMENISCH

Quantas agressiuns sa rimnan, sche tschients u millis da persunas vegnan ensemen per demonstrar (paschaivlamain u betg) encunter malgistadads sin quest mund? Quants sentiments da gritta ed odi accumpognan tras mintga manifestant ina tala demonstraziun? Quants problems persunals vegnan reflectads in tal di sin in policist, in politicher u in multi? Quant è insatge abel da far ad ina tala occasiun, per il bun u per il main bun, avend il sentiment da far insatge per persunas en il Terz mund, encunter la lavur dad uffants u per il dretg da pievels supprimids?

Sa chapescha ch'igl è in fatg sin nossa terra ch'ils ritgs daven-tan adina pli ritgs, ils paupers pli paupers e che la differenza vegn adina pli gronda. Il patratg al



profit finanziel, cunzunt da mult-tis, è in trist tratg caracteristic da noss temp. Che la politica suonda per il pli dictats (scrits u nun-scrits) dal chapital e sias leschas è cler. Ed in sentiment da nunpus-sanza visavi l'apparenta pussanza assoluta da l'economia è senz'au-ter da chapir. Ma tge consequen-zas trair en vista a tals problems globals?

As imaginai in World Econo-mic Forum, u in auter in-scunter sumegliant, senza de-monstraziuns, senza la nuncha-pientscha ch'in stadi sco la Sviz-za po sa midar per plirs dis en in cumplex totalitar, senza millis policists e schuldads, senza titels da sensaziun negativs en la pres-sa, senza blessads u schizunt morts.

Empè da questa furma da pro-Test paja mintga persuna ils custs ch'ella avess per il bigliet da tren per ir a demonstrar ad in'or-ganisaziun caritativa. Mintga persuna evitescha (be per in di) da cumprar products dals multis che tutgan segund l'atgna opi-niun tar ils «nauschs». Mintgin prenda peda intginas secundas per giavischar al mund da cor la pasch. Mintga manifestant sa prova (be in di) da na avair pa-tratgs nauschs envers la glied

enturn el, da na discurren-nausch dad insatgi e dad esser gentil cun tut la glied ch'el u ella inscuntra quest di. E mintga persuna perduna ad in-satge insatge che lez(za) ha fatg. Be in di. (I na restass betg tar in.)

Nus, che na patin nagina fom, che avain vestgadira ed in tetg sur il chau, che na vegnin betg persecutads, che n'avain na-gina guerra, che avain la libertad da viver nossa religiun e giudain in'educaziun da scola excellenta, che possedain radio e computer ed anc in conto da banca, nus tutgain tar ils otg pertschient, ils pli ritgs sin quest mund. Mintgin da nus porta en el la responsabla-dad per il bainstar paschaivel e gist sin la terra. La schliaziun da problems globals cumenza tar la schliaziun da mes problems per-sunals.